



Broj: 02-11-1627/24-AP-6  
Datum: 11.09.2024. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Rekonstrukcija vodovoda Borik-Vučje polje sa vodozahvatom izvorišta „Grozničava voda“, Gradonačelnik Zavidovića donosi

## O D L U K U

### Član 1.

Prihvata se preporuka Komisije za javne nabavke, te se Ponuda ponuđača GP „HELDOVAC“ d.o.o. ŽEPČE za javnu nabavku radova „Rekonstrukcija vodovoda Borik-Vučje polje sa vodozahvatom izvorišta „Grozničava voda“, sa ukupnom cijenom od 23.630,00 KM (slovima:dvadesettrihiljadešestotinatrideset i 00/100 KM) bez uračunatog PDV-a, odnosno 27.647,10 KM (slovima: dvadesetsedamhiljadašestotinačetridesetsedam i 10/100 KM) sa uračunatim PDV-om, prihvata kao NAJPOVOLJNIJA PONUDA.

### Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

### Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 6.

Ova odluka stupa na snagu danom donošenja.

## O b r a z l o ž e n j e

Odlukom Gradonačelnika broj 02-11-1627/24-AP-2 od 07.08.2024. godine pokrenut je postupak dodjele ugovora za javnu nabavku radova „Rekonstrukcija vodovoda Borik-Vučje polje sa vodozahvatom izvorišta „Grozničava voda“, putem otvorenog postupka za koji je dana, 08.08.2024.godine upućeno Obavještenje broj 1374-1-3-120-3-112/24 na objavu u Informacioni sistem „E-nabavke“.



Na adresu Grada Zavidovići do krajnjeg roka za dostavu ponuda dana, 30.08.2024. godine do 12,00 sati dostavljeno su 3 (tri) ponude, i to ponude sljedećih ponuđača po prijemu prispijeća: 1. „DŽEVKOMERC INŽINJERING d.o.o. ZAVIDOVIĆI; 2.. GTPD „POROBIĆ“ d.o.o. ZAVIDOVIĆI i 3. GP „HELDOVAC“ d.o.o. ŽEPČE.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su pristigle ukupno 3 (tri) ponude, da su blagovremeno zaprimljene i da su ponude ponuđača: GTPD „POROBIĆ“ d.o.o. ZAVIDOVIĆI i GP „HELDOVAC“ d.o.o. ŽEPČE prihvatljive .

Ponuda „DŽEVKOMERC INŽINJERING d.o.o. ZAVIDOVIĆI ocjenjena je kao neprihvatljiva iz razloga što je ponuđač u svojoj ponudi dostavio Uvjerenje o podacima registrovanim u matičnoj evidenciji izdato od Federalnog zavoda za penzijsko/ mirovinsko i invalidsko osiguranje-Kantonalna administrativna služba za zeničko-dobojski kanton broj: FZ7/14-31-21-56-87/24 od 15.07.2024.godine, a koje je u suprotnosti sa Tenderskom dokumentacijom.

U Tenderskoj dokumentaciji definisano je tačkom 5.4. TEHNIČKA I PROFESIONALNA SPOSOBNOST, u podtačka 5.4.2.da će se ocjena tehničke i profesionalne sposobnosti ponuđača iz tačke 5.4.1. će se izvršiti na osnovu dostavljanja sljedećih DOKAZA,

#### „5.4. TEHNIČKA I PROFESIONALNA SPOSOBNOST

5.4.2.Ocjena tehničke i profesionalne sposobnosti ponuđača iz tačke 5.4.1. će se izvršiti na osnovu dostavljanja sljedećih DOKAZA:

- a) Spisak izvršenih ugovora o izvedenim radovima uz potvrdu koju daje druga ugovorna strana o njihovoj realizaciji, a koji su u vezi s predmetnom nabavkom (radovi na izgradnji ili rekonstrukciji hidrograđevinskih/hidrotehničkih objekata) za period ne duži od pet godina ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina, koji sadrži minimalno 2 (dva) ugovora čija ukupna zbirna vrijednost iznosi najmanje 23.000,00 KM bez uračunatog PDV-a. Uz spisak izvršenih ugovora ponuđač je dužan dostaviti i potvrde, koje su u vezi sa spisakom izvršenih ugovora o izvedenim radovima, a koje daje druga ugovorna strana o njihovoj realizaciji, a koje (potvrde) obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;
- b) **Obrazovne i profesionalne kvalifikacije izvođača radova i/ili kvalifikacije njegovog rukovodećeg osoblja**
  - za diplomiranog inženjera arhitekture ili građevinarstva, odnosno osobu visokog obrazovanja najmanje 240 ECTS bodova prvog ciklusa Bolonjskog sistema studiranja ili inženjera VŠS, VI stepen stručne spreme, odnosno osobu visokog obrazovanja najmanje 180 ECTS bodova prvog ciklusa Bolonjskog sistema studiranja, arhitektonske ili građevinske struke dostaviti: Ugovor o radu sa punim radnim vremenom kod ponuđača **i Uvjerenje Federalnog zavoda PIO/MIO o podacima registrovanim u matičnoj evidenciji, ili ekvivalentni dokument o podacima registrovanim u matičnoj evidenciji iz Republike Srpske, ili ovjerena fotokopija ili original Uvjerenja Porezne uprave Federacije o podacima registrovanim o matičnoj evidenciji za diplomiranog inženjera građevinske ili arhitektonske struke, ne starije od 30 (trideset) dana od dana predaje ponude,** diplomu o završenom fakultetu i uvjerenje o položenom stručnom ispitu“

Ponuđač „Dževkomerc inženjering“ d.o.o. Zavidovići u svojoj ponudi koju je dostavio na protokol Ugovornom organu dana **30.08.2024.godine u 09,40 sati** priložio **Uvjerenje o podacima registrovanim u matičnoj evidenciji izdato od Federalnog zavoda za penzijsko/mirovinsko i invalidsko osiguranje-Kantonalna administrativna služba za zeničko-**



dobojski kanton broj: FZ7/14-31-21-56-87/24 od 15.07.2024.godine, iz čega je vidljivo da je predmetno Uvjerenje **starije od 30 dana od dana predaje ponude** i da je u suprotnosti sa Tenederskom dokumentacijom.

Imajući u vidu sve navedeno, ponuda ponuđača „Dževkomerc inženjering“ d.o.o.Zavidovići se smatra neprihvatljivom za Ugovorni organ, i ista je odbačena kao neprihvatljiva u skladu sa članom 68.stav (4) i) Zakona.

Članom 57. Stav 1. Zakona propisano je da su ponuđači dužni da se pridržavaju uslova i zahtjeva iz tenderske dokumentacije, što ponuđač, shodno gore navedenom, nije učinio.

Članom 68.stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 05.09.2024. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon e-aukcije broj: 02-11-1627/24-AP-2 od 09.09.2024. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	GP „HELDOVAC“ d.o.o. ŽEPČE	23.630,00 KM
2.	GTPD „POROBIĆ“ d.o.o. ZAVIDOVIĆI	23.669,00 KM

Ponuda ponuđača GP „HELDOVAC“ d.o.o. ŽEPČE u postupku javne nabavke radova „Rekonstrukcija vodovoda Borik-Vučje polje sa vodozahvatom izvorišta „Grozničava voda“, sa ukupnom cijenom od 23.630,00 KM (slovima:dvadesettrihiljadešestotinatrideset i 00/100 KM) bez uračunatog PDV-a, odnosno 27.647,10 KM (slovima: dvadesetsedamhiljadašestotinačetresedam i 10/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Rekonstrukcija vodovoda Borik-Vučje polje sa vodozahvatom izvorišta „Grozničava voda“, te datu preporuku od strane Komisije za javne nabavke, odlučeno je kao u dispozitivu ove Odluke.

#### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradio/la:   
(Sanela Muhahasanović)

Kontrolisao:   
(Midhat Buranović)



GRADONAČELNIK  
doc.dr. Hašim Mujanović